






第五三八册

四庫全書

● 上海古籍出版社

本冊目次

河南通志(四)

清田文鏡等監修
清王士俊等監修
清顧棟高等編纂
……一

欽定四庫全書

史部
河南通志卷六十一

詳校官監察御史

莫璫募

檢討 臣 德生覆勘

總校官編修 臣 王燕緒

校對官助教 臣 卜維吉

謄錄監生 臣 金 特

欽定四庫全書

河南通志卷六十一

理學

天地古今理而已矣學不講則理不明講學以明理
啟前聖之蒙篇作後學之津梁莫盛於有宋蓋自二
程子倡道伊洛一時從遊如李劉尹謝諸賢皆克行
其緒迨及元明轉相師授中州理學之傳久而益振
雖立說間有差池或確守程朱或參良知之說要其
衛正斥邪守先待後皆本心得而身體力行非分門
樹幟斷斷焉務口說以角勝者

盛世敦尚實學崇禮先儒俎豆之典簡編之光也謹次
講學諸儒別為一帙自北宋始志理學

開封府

明李承恩字君賜祥符人父母早喪祖父母鞠育之
幼不為童戲八歲就塾師端慎如老成人弱冠入
邑庠為弟子員督學使者優之俾聚講大梁書院

欽定四庫全書

河南通志
卷六十一

正德十四年領鄉薦明年試禮闈不第乃罄囊購理學諸書以歸閉門潛玩時有心得見之著述辨析精當多先儒所未發著易經大義詩經大義書經拾蔡學庸拾朱孟子說若干卷又為宋儒太極圖說定性書顏子所好何學論西銘諸解以發其蘊平生著述甚富又有河濱日錄劄記存稿若干卷事詳開封府志及中州道學編

皇清冉覲祖字永光中牟人康熙辛未進士官翰林院
河南通志 卷六十一

欽定四庫全書

河南通志

三

檢討請假歸里孜孜以倡明正學為務時登封耿

介潛心理學延為嵩陽書院長俾之振聾發聵其為學深造閫奧著述繁夥嚶嚶示人處尤在天理主敬一圖卒年八十餘雍正元年紀鄉賢

張伯行字孝先儀封人年七歲入小學恂恂恪恭有儒者氣象中康熙乙丑進士初授中書科中書舍人丁父艱回籍服闋以薦赴河工効力屢著勞績補山東濟寧道遷江寧按察司

聖祖南巡特授福建巡撫置社倉毀淫祠褒廉吏糾貪墨訪猾隸奸胥實諸法教化大行闕故為理學數伯行建龍峰書院為學舍百二十楹祀有宋五子選士肄業其中數躬詣書院勗諸生以明體達用之學士子蒸蒸向風旋移撫江蘇辛卯科場弊發疏劾督臣噶禮營私壞法禮亦馳疏許參

聖祖鑒伯行清介仍予留任而黜禮伯行復任後建紫陽

書院督課諸生越三年入署總督倉場侍郎尋管
河南通志 卷六十一

欽定四庫全書

河南通志

三

理錢法補戶部右侍郎仍兼倉場事

皇上御極眷注特厚

命專理戶部事每會議大政伯行多與焉尋陞禮部尚書乙巳以疾卒於官

上命鎮國公奠茶酒賜祭葬諡清恪伯行天性樸誠好學不倦凡所設施皆本於實踐確遵程朱不惑異說嘗慕陸隴其謂為薛胡以後一人其論學宗旨如此雍正七年

題請崇祀鄉賢

歸德府

宋程迥字可久寧陵人靖康之亂南徙餘姚登隆興元年進士歷知進賢上饒數縣以恩義導民欺詐以革暇則賓禮賢士進其子弟之秀者為之陳說詩書質疑問難無間蚤暮所著有古易考古易章句易傳外編春秋傳顯微例目論語傳孟子章句等書卒官朝奉郎朱熹以書告迥子絢曰敬維先

欽定四庫全書

河南通志
卷六十一

四

德博聞至行迥配古人釋經訂史開悟後學當世之務人所通該非獨章句之儒而已曾不一試而奄棄盛時此有志之士所為悼歎咨嗟而不能自已者然著書滿家足以傳世是亦足以不朽已絢巴陵尉能理冤獄孫仲熊亦有名

明魯邦彥字鄭卿睢州人七歲失怙出就外傳稍知經義即以聖人為可學被服造次不離儒者嘉靖己酉鄉試第一庚戌成進士授行人滿一考當選

備侍從會嚴嵩柄國遲久不遷念母老遂疏終養

杜門却軌潛心經術學以程朱為宗務實踐不標

榜為名高隆慶改元臺省交薦起吏部主事改光

祿丞俱不拜疏陳十事皆鑿鑿可施行時執政內

隙疏偶及之鄉人留不果上見者以為有經世之

具所著有河圖洛書說大學講中庸解就正錄皆

平正精實多前人所未發嘗語人曰中庸不可能

也學之從猶介始通方之人不足與議矣平生細

行必矜非禮弗履卒年四十有七巡按御史疏請

從祀大梁總祠

徐養相字子存睢州人少工舉子業研究經傳解

悟疑譌復潛心性理曰為學不宗濂洛非學也嘉

靖己酉登鄉薦為丙辰成進士筮仕餘姚表章王氏

之學與多士朝夕講習三年興起甚衆陞兵部車

駕司主事以守正不阿忤時相罷歸遂以明道淑

人為己任日聚生徒講解經書性理遠近從學者

欽定四庫全書

河南通志
卷六十一

五

常數百人駝岡錦水之間比屋皆絃誦聲平生事親極孝治喪一遵古禮不用浮屠不識弔客縉紳家多取法焉卒年七十六所著有四書說略禮經輯覽近恒文集藏於家事詳洪斌洛學編

呂坤字叔簡寧陵人離襁褓即不妄言笑不與羣兒嬉戲年十五五經皆通讀性理諸書欣然有會作夜氣鈔拓良心詩立論專主躬行作省心記以自檢嘉靖辛酉舉於鄉隆慶辛未捷南宮丁母憂

欽定四庫全書

河南通志
卷六十一

六

萬歷甲戌對策成進士初知襄垣襄垣劇尚嚴明繼調大同大同貧尚撫字兩地均德之王家屏任吏部特疏擢吏部主事故事新曹郎尚緘默早伏不敢輕有可否坤獨錚錚不少畏避出為山東參政後巡撫山西著實政錄仕宦資為模楷歷陞刑部左侍郎致仕家居講學學者咸宗之稱為沙隨夫子年八十三卒有去偽齋集閨範四禮疑四禮翼交泰運諸書行於世卒贈刑部尚書諭祭葬賜

廕

王慕祥字承休睢州人原籍獲嘉因以獲嘉為號性至孝勵志讀書早以大儒自期年二十四入郡庠端莊凝重履繩蹈矩對妻孥如賓客以移風易俗為己任嘗設壇集里中子弟講孝經小學風雨寒暑不愆期慕祥釋聖訓五冊憲使通行各屬令老儒朔望登講游其門者百餘人嚴立課程先德行而後文藝稍軼即嚴訶之人所行非義有潛自改

欽定四庫全書

河南通志
卷六十一

七

悔者曰慮為王先生知也金忠節鉉父顯名為郡學博鉉建言削籍省親至郡見慕祥嘆曰伊川之流也今其諸弟皆從學焉所著有良明山房文集聞見錄諸書皆根極理道頗多發明云

竇如珠字帝珍柘城人諸生早失怙事繼母以孝著待異母弟敦友愛不私財器於辭受大節尤繩尺惟謹人憚其剛方不敢以私干之而樂易平恕未嘗矜世絕物處內外尊卑間怡怡如也平居教

授講學從遊甚衆衣冠必整步趨必嚴初不以顛沛流離稍失禮容嘗與門人張震張益遇隴畔間師弟雍雍觀者起敬其講求服習一遵程朱之訓不為他說所惑有語錄數十卷卒祀鄉賢

皇清湯斌字孔伯號潛菴睢州人自少卓立舉動尺寸

年十二聽里中耆儒王慕祥講小學侍坐終日無倦容退即見諸行事慕祥奇之年十六就傳郭外值流寇陷州城斌母趙罵賊死後避亂三衢讀書

欽定四庫全書

河南通志
卷六十一

山中念母死節益自刻苦嘗中夜大哭哭已復讀

山中人皆感動亂定始北歸順治戊子舉於鄉明年會試中式越三年壬辰成進士改庶吉士鍵戶一室惟與魏象樞曹本榮以理道相切磋乙未簡翰林科道官出任監司斌得陝西按察司副使備兵潼關時關中多盜斌嚴行保甲令民各設鉦鼓砲石遠近以次傳警盜發輒得陞嶺北道參政治所在輒輶四省上游地穹山深菁大盜李玉廷窟

穴其中斌用計平之賴人以安後以父老乞歸里居垂二十年潛心性命之學渡河執弟子禮於孫奇逢歸而充養愈邃屹然推中原巨儒戊午

詔舉博學鴻儒大臣交荐

御試甲等補翰林院侍講尋以日講官直

經筵敷陳詳盡深契

聖祖意超擢內閣學士兼禮部侍郎尋巡撫江蘇斌渚仕後一以教化為先痛除吳中積習禁服食玩好之

欽定四庫全書

河南通志
卷六十一

九

不節者尤嚴絕捕博及拳勇鬪毆禁婦女毋遊觀取五通神偶投於湖下令期於必行復親詣學宮命諸生講孝經俾幼穉皆得列坐以聽吳民翕然向風陞禮部尚書掌詹事府益被優禮每會推會議必問湯斌云何斌感殊遇凡是非可否必侃侃正言不啻不撓尋轉工部尚書以疾卒於官訃聞

特命學士以潼醪奠馳驛護其喪歸予祭葬吳人聞斌

卒皆號慟失聲斌於學無所不窺而一以忠孝誠
正為本其所著書不為空言有洛學編一卷補睢
州志五卷詩文若干卷明史稿若干卷行於世康
熙四十年祀鄉賢

實克勤字敏修號靜菴柘城人壬子舉於鄉任南
陽府泌陽縣教諭倣朱子白鹿洞規分立五社長
各置勸善規過簿月朔稽善過而勸懲之每月初
五日集髫年童子習禮儀稍長者解性理人皆興

欽定四庫全書

河南通志
卷六十一

十

行戊辰登進士由庶常授檢討珥筆翰苑益肆力
於經史尋以病乞歸居室狹隘捐貲修學宮葺米
陽書院士林多所成就幼嘗與睢陽湯斌嵩陽耿
介往復商確互闡學旨所著有理學正宗孝經闡
義尋樂堂家規泌陽學條規等書康熙四十七年
祀鄉賢

彰德府

明崔銑字子鍾安陽人父陞以進士歷參政清直著

欽定四庫全書

河南通志
卷六十一

十一

聲銑資稟穎敏風骨岐嶷十歲從父授四書毛詩
明年從諸儒講太極圖周易豹冠舉鄉試入太學
與四方知名士秦偉馬理呂柟寇天敘馬卿張士
隆相友約明經修行母慕高虛母溺訓詁立志毅
然弘治乙丑成進士選翰林院庶吉士授編修正
德初逆瑾竊柄以不附已調南京吏部主事瑾誅
召還史館晉侍讀嘗侍經筵講說命因勸上去讒
頑戒逸豫時錢寧等在側甚銜之踰年引疾歸構
後渠書屋董耕教授徒意泊如也世宗即位用薦起
修武廟實錄擢南京國子祭酒時集議大禮攢斥
杖戍者相望銑上疏劾張璁桂芳拾歐陽修之唾
餘以承望意嚮世廟不悅又勸上勤聖學辨忠邪
以回天變自分必得罪遂致仕歸田讀書洵上遠
近從學者衆銑教以研經飭行曰道在五倫學在
治心功在慎獨家居十六年杜門著書以闡道翼
經為志己亥東宮立慎選宮僚召補少詹事尋遷

南京禮部右侍郎疾作致仕卒贈禮部尚書諡文敏所著有讀易餘言中庸凡松憲箴言及刪定二程遺書中說考晦菴文鈔鄴郡志文苑春秋等書行世學者稱後渠先生

衡輝府

皇清孫奇逢字啟泰又字鍾元本直隸容城人明萬曆庚子舉人

國初遷居輝縣講學授徒於蘇門遂為輝人奇逢少以

欽定四庫全書

河南通志
卷六十一

十三

孝聞與鹿忠節善繼定交即以擔荷聖學自任結茅講習不樂仕進

本朝定鼎屢徵俱以疾辭天下稱曰孫徵君晚年講學夏峯學者又稱爲夏峯先生中州談理學言睢州湯斌嵩陽耿介諸人皆出其門其學在隨時隨處體認天理而功歸慎獨周規折矩不失尺寸著有四書近指讀易大旨尚書近指理學宗傳家禮酌歲寒居答問孝友堂家規徵輔人物考中州人物

考諸書行世年九十餘卒葬於輝子孫世居輝稱望族焉

懷慶府

元許衡字平仲河內人幼有異質七歲入塾授章句問其師曰讀書欲何為師曰取科第耳曰如斯而已乎師大奇之稍長嗜學如饑渴值世亂且貧無書嘗自日者家得尚書注疏皆散缺請寓宿手抄以歸避難徂徠山始得王輔嗣易說夜思晝誦身

欽定四庫全書

河南通志
卷六十一

十三

體而力踐之後從姚樞得程朱易傳四書集注或問及小學書並大有得初移家蘇門依樞以居便講習及樞被徵衡獨處蘇門慨然以明道為己任凡喪祭嫁娶必徵於禮以倡其鄉人從學者寔盛元世祖王秦中召為京兆提學教化大行及即位命為國子祭酒又命議事中書省衡乃疏陳五事世祖嘉納之又令定朝議官制後以集賢大學士兼國子祭酒具教誨煦慤至而從學者尊師敬業

日改月化雖至童子亦知三綱五常為生人之道
又嘗領太史院事與郭守敬等定授時歷歷成以
疾乞還卒於家虞集謂南北未一許衡先得朱子
之書伏讀而深信之持其說以事世祖儒者之道
不廢衡實啟之所著有孝經注大學直說及文集
若干卷傳於世諡曰文正延祐二年從祀孔子廟
庭

明何塘字粹夫懷慶衛籍武陟人為諸生即有志聖

欽定四庫全書

河南通志
卷六十一

十四

賢之學弘治辛酉鄉試第一士成登進士選翰林
院庶吉士授編修正德初逆瑾竊政一日贈諸翰
林川扇有人而跪見者塘獨長揖瑾怒不以贈受
贈者復拜謝塘正色曰何僕僕也瑾大怒詰其姓
名塘直前應曰編修何塘瑾愈怒嫉笑曰翰林貴
人也欲害之塘遂累疏乞歸瑾誅名還擢修撰以
直經筵觸犯忌諱調開州同知晉東昌府同知乞
歸隱居南村四方從學甚眾嘉靖改元起授浙江

提學副使敦本尚實士氣丕變未幾晉南京太常

卿歷工戶禮三部侍郎南京右都御史致仕家居
輿關中呂柟儀封王廷相宦寶許諸諸人簡札往
來究辯經書性命之旨行已教人切近精實時以
比之聖門由賜塘性潔氣剛涵養和粹雖世局變
推而獨不受染臨事毅然不可奪難進易退有高
世之節門人請梓文錄曰聖賢之道昭在六籍如
日星後學愧不能知而行之自宋以來儒者之論
方苦太多此吾之所深懼也卒贈禮部尚書諡文
定所著有栢齋集十二卷儒學管見陰陽律呂管
見行於世

欽定四庫全書

河南通志
卷六十一

十五

妻樞字子靜懷慶衛人少師事何塘嘉靖乙酉領
鄉薦入成均會朝臣議大禮各樹幟不相下又議
姚江之學且為洛蜀黨樞著克伐怨欲論四章為
時所稱授廣宗令時巡撫劉其籍民為兵樞謂擾
民上鄉兵議劉面從實心銜之適巡按樊其問安

民去貪之畧樞應以所令勿反所好作去甚論刺之二恨交作坐是褫職歸設臯比於東明曹縣者二十餘年著經學史學于學政學五朝文教等書歿後廣宗民肖像祀之

河南府

宋程顥字伯淳洛陽人父珦見人物志顥生而神氣秀爽數歲誦詩書強記過人嘉祐二年舉進士主鄆縣簿折疑獄如神調上元移晉城令專務以德

欽定四庫全書

河南通志
卷六十一

六

化民民愛之如父母熙寧初為御史數召見前後進說甚多大要以正心室懇求賢育才為本務以誠意感悟主上勸帝防未萌之欲及勿輕天下士帝問所以為御史者對曰以臣補闕拾遺裨贊朝廷則何敢不勉使臣擬拾羣下短長以沽直名則有所不能帝歎賞以為得御史體因議新法不合改僉書鎮寧軍判官前後平反重獄以十數求監局便養得監河洛竹木務自願去國神宗終念之

會修三經義語執政曰程顥可用執政不對有自

洛來者帝問程顥在彼否連言佳士其後以星變應詔疏朝政極切帝手批差知扶溝邑多水患顥為經畫溝洫未幾罷去嘗曰百里之地至狹也而道之興廢係焉然知其當為而不為獨譏之曰命則非矣神宗崩遺詔至洛顥感先帝知念終無以報也涕滂然下聞司馬光呂公著入相曰二公當與元豐大臣同更化與時宜之可也若先分黨與

欽定四庫全書

河南通志
卷六十一

七

必且為他日之憂蓋遠慮如此又嘗言新法之行亦是吾黨爭之太過成就今日之事塗炭天下亦須兩分其罪可也哲宗立召為宗正丞未行而卒年五十四顥官雖未達天下咸以其進退卜世汙隆卒之日無識與不識皆流涕生平資性過人充養有道和粹之氣益於面背初聞周敦頤論學遂厭科舉素慨然有求道之志泛濫於諸家出入於老釋者數十年返求諸六經而後得之遂以興起

斯文為已任教人以居敬窮理為先辨異端闢邪
說使聖人之道煥然復明於世蓋自孟子之後一
人而已太師文彥博題其墓曰明道先生嘉定中
賜諡曰純淳祐元年封河南伯從祀孔子廟庭
程頤字正叔洛陽人穎弟幼有高識非禮不動與
兄同受學於周敦頤年十八伏闕上書勸仁宗以
王道為心生民為念黜世俗之論期非常之功乞
召對不報已遊太學時海陵胡瑗主教事以頤子

欽定四庫全書

河南通志
卷六十一

十一

所好何學論試諸生得頤所作大驚即延見處以
學職呂希哲在隣齋首以師禮事焉既而四方之
士從遊日衆舉進士不第遂不復就試以明道淑
人為已任哲宗初呂公著司馬光交薦之謂頤力
學好古不樂仕進真儒者之高蹈聖世之逸民宜
擢以不次使士類有所矜式詔以為西京國子教
授力辭不就元豐八年再詔授宗政殿說書入侍
經筵盡心啟沃文彥博聽其進講嘆曰真侍講也

後為董敦逸所誣去官紹聖中竄涪州元符末復

通直郎權判西京國子監言者復論其著書毀朝
政有旨追毀出身文字所在監司覺察所著書於
是遷居龍門之南止四方學者曰尊所聞行所知
可矣不必及吾門也後復宣議郎致仕卒年七十
五頤與兄穎倡明道學以繼絕緒凡出其門者皆
有所得世稱伊川先生嘗言無功澤及人而浪度
歲月宴然為天地間一蠢唯緼緝聖人遺書庶幾

欽定四庫全書

河南通志
卷六十一

十二

有補著易春秋傳諸書嘉定中賜諡曰正淳祐元
年封伊陽伯從祀孔子廟庭
邵雍字堯夫其先范陽人祖德新徙衡漳父古徙
共城後徙洛為洛陽人雍少以才自雄欲樹功當
世於書無不讀始為學即堅苦廬於蘇門之百泉
山時北海李之才攝共城令授以易圖雍彌刻厲
自進冬不爐夏不扇夜不就枕席數年遂挾先天
之秘探天根躡月窟尤精數學占往知來為有宋

諸儒所不及既復嘆曰昔人尚友千古吾獨未及四方其可已乎於是踰河汾涉淮漢周流齊魯宋鄭之墟久之幡然來歸曰道在是矣遂定居洛陽蓬華環堵不蔽風雨躬蠶以養父母時文彥博富弼皆以元老碩望至尊重見雍尊禮之與倡和居游程顥每見之退輒太息以為內聖外王之學遂近學者從問經義精深浩博應對不窮間與深知論天下事雖究心世務者不及也嘗自名其居曰

欽定四庫全書

河南通志
卷六十一

字

安樂窩春秋佳日乘小車遊城中士大夫爭迎致之或留信宿乃去好事者別作屋如其居以候其至名曰行窩時司馬光兄事雍而二人純德尤鄉里所嚮慕每相戒曰母為不善恐司馬端明邵先生知舉遠逸補潁川團練推官不就卒贈秘書省著作郎賜諡曰康節所著有皇極經世書六十卷晚尤喜為詩平易而造於理有擊壤集二十卷自為之序咸淳元年從祀孔子廟庭

欽定四庫全書

河南通志
卷六十一

主

呂希哲字原明宰相公著子先世本洛人後遷壽州至公著復居洛希哲自幼奉父母訓能循蹈規矩始師事胡瑗孫復石介後復從二程張載遊由是知見益廣務躬行實踐略去枝葉一意涵養以思補官元祐中充崇政殿說書日夕勸導人主以修身為本修身以正心誠意為本紹聖中坐黨謫居徽宗時歷知曹相邢三州奉祠晚居宿州真揚間十餘年衣食不給處之晏如日讀易一爻遍考古今諸儒之說默坐沈思隨事解釋夜則與子孫評論古今商榷得失嘗言後生初學且須理會氣象氣象好時百事自當氣象者辭令容止輕重疾徐足以見之矣不惟君子小人於此焉分亦貴賤壽夭之所由定也又言攻其惡無攻人之惡蓋自攻其惡日夜且自點檢絲毫不盡則不慊於心矣豈有工夫點檢他人耶政和中卒子好問見人物志孫本中字居仁少從楊時游酢尹焞遊紹興初

特賜進士累官中書舍人兼侍講權直學士卒諡文清所著有春秋解童蒙訓師友淵源錄各若干卷行世本中孫祖謙祖儉南渡後寓居婺州世有中原文獻之傳

李顥字端伯洛陽人才識穎悟舉進士元祐中為秘書省校書閣肆開發能自振於流俗程頤謂其才器可大受與劉絢相繼卒顥哭之哀悲傳學之難焉朱熹亦謂劉賢夫李端伯呂與叔諸公所造

欽定四庫全書

河南通志
卷六十一

五

尤深所得尤粹云

劉絢字質夫緱氏人髫髻即就程頤程頤受學頤語人曰他人敏則敏矣然未易保也斯人之志吾無疑焉以祖蔭為壽安主簿遷潞之長子令誠心憂養富鄭公弼歎以為古縣令也元祐初以薦授京兆府教授侍御史王巖叟正言朱光庭言春秋學廢已久絢治春秋深通試太學博士絢明粹溫恭孝弟樂善不為異端所惑故其履也安內日加

重無交戰之病故其行也果將終啟手足盟贖安然而逝絢在程門但有所知惟恐不與人共程學之興絢及李顥有力焉

朱光庭字公掞偃師人十歲能文舉進士調萬年主簿數攝邑篆人以明鏡稱之元祐間為諫官論奏無虛日宣仁甚咨納焉黨論作補外數月復召劉摯罷政光庭封麻還落職知亳州尋改潞州病卒光庭始從學於胡瑗已從孫復受春秋已又從

欽定四庫全書

河南通志
卷六十一

五

二程於洛服行所聞造次不忘其歿也程頤祭之文以為篤學力行至於沒齒不渝庶民臨事一由至誠可質神明貫金石雖尚論古人難其比也其信許如此

尹焞字彥明一字德充洛陽人祖源見文苑志焞少師事程頤嘗應舉發策有議誅元祐黨人語焞曰噫是可以干祿乎哉不對而出告於頤曰某不復應進士舉矣頤曰汝有母在未容廢祿仕也焞

歸白其母陳母曰吾知汝以善養不知汝以祿養
頤聞之太息曰賢哉母也於是終身不復應舉頤
歿煇授徒洛中非弔喪問疾不出戶洛人士以事
頤者事之靖康初用种師道薦召至京度時不可
為力謝病歸賜號和靖處士踰年洛陽陷沒家盡
覆煇死復甦劉豫陷京師聞其名以禮聘具供帳
山中必致之煇夜為赴水自沈者得亡去轉徙閬
止於涪涪程頤讀易地也關三畏齋以居紹興初
授崇政殿說書敕有司敦遣乃就道作文祭告頤
墓而後行曰能行所學則未也不辱師門則有之
入經筵會陳公輔詆程學屢乞休致朝廷以禮留
之歷仕左通直權禮部侍郎是時秦檜力主和議
煇在病中疏諫又以書切責檜檜大怒煇力辭歸
因差提舉江州太平觀次年乞老寓會稽卒年七
十有二煇莊敬不欺閭閻直方之行動合矩矱晚
益和粹程頤嘗曰我死而不失其正者尹氏子也

所著有論語解及門人問答若干卷傳於世
國朝雍正二年從祀文廟

張繹字思叔壽安人家甚微年長未知學為人傭
作聞邑官出入傳呼道路心慕之間何以得此或
告之曰此讀書所致爾始發憤力學遂以文名會
程頤自涪還河南繹往受業窮理造微頤甚愛其
穎悟以族子妻之又嘗言吾晚得二士謂繹與尹
煇也頤沒一年繹亦沒嘗記頤言行一編名曰師
說行於世
暢大隱字潛道洛陽人師程頤今程氏遺書第二
十五卷即其所記
孟厚字敦夫洛陽人從程頤學獨處一室糞穢不
治其精專如此後頤之葬門人畏黨禍莫敢至獨
厚與尹煇張繹范杲邵溥送焉
元白居敬字行簡登封人甫六歲喪母事父孝聞鄉
里及冠羣經諸子無不精究州邑知其名咸備禮